

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj 7/10), a u vezi sa članom 52. Zakona o izvršavanju Budžeta Zeničko-dobojskog kantona za 2012. godinu («Službene novine Zeničko-dobojskog kantona», broj 5/12), Vlada Zeničko-dobojskog kantona, na prejdlog Ministarstva za prostorno uređenje, promet i komunikacije i zaštitu okoline, na 70. sjednici, održanoj 12.07.2012. godine, d o n o s i

## **ODLUKU**

### **o uvećanju sredstava u Budžetu Zeničko-dobojskog kantona za 2012. godinu**

#### **Član 1. (Predmet)**

(1) Odobrava se uvećanje sredstava u Budžetu Zeničko-dobojskog kantona za 2012. godinu («Službene novine Zeničko-dobojskog kantona», broj 5/12) za Kantonalnu direkciju za ceste u sastavu Ministarstva za prostorno uređenje, promet i komunikacije i zaštitu okoline.

(2) Uvećanje sredstava u Budžetu Zeničko-dobojskog kantona za 2012.godinu, vrši se na slijedeći način:

a) na razdjelu 19, budžetska organizacija 03, potrošačka jedinica 0001 – Kantonalna direkcija za ceste – sredstva na poziciji 821600 – Rekonstrukcija i investiciono održavanje - Izdaci iz donacija 2012. godina uvećavaju se za 17.962,08 KM,

b) u Budžetu Zeničko-dobojskog kantona za 2012. godinu u dijelu A. PRIHODI u koloni Plan 2012. godina, sredstva na poziciji 722751 – Primljene namjenske donacije neplanirane u budžetu, uvećavaju se za 17.962,08 KM.

#### **Član 2. (Namjena korištenja sredstava i izvještavanje)**

(1) Odobrena donatorska sredstva od strane Federalnog ministarstva prometa i komunikacija, utrošiti će se za realizaciju projekata prema Programu investiranja sredstava naplaćenih izdavanjem GSM licence za 2008. godinu i dijela sredstava za 2009.godinu za Federaciju BiH (“Službene novine Federacije BiH”, broj: 36/10) i Programu investiranja sredstava naplaćenih izdavanjem GSM licence za 2010.godinu za Federaciju BiH (“Službene novine Federacije BiH”, broj: 11/11).

(2) Resorno ministarstvo je dužno sačiniti izvještaj o utrošenim sredstvima, te dostaviti Ministarstvu finansija najkasnije 7 (sedam) dana nakon utroška sredstava.

**Član 3.**  
**(Realizacija odluke)**

Za realizaciju ove odluke zadužuju se Kantonalna direkcija za ceste i Ministarstvo finansija u okviru svojih nadležnosti.

**Član 4.**  
**(Stupanje na snagu)**

Ova odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-\_\_\_\_\_ /12.  
Datum, 12.07.2012. godine  
Zenica

**PREMIJER**

*mr.sci. Fikret Plevljak, dipl.ing.*

**DOSTAVLJENO:**

- 1x Ministarstvo za prostorno uređenje, promet i komunikacije i zaštitu okoline,
  - Kantonalna direkcija za ceste,
- 1x Ministarstvo finansija,
- 1x „Službene novine Zeničko-dobojskog kantona”,
- 1x a/a.